

Angajoqqaanut paasissutissiissut

Nuffasernermi siggukkut aseruuttoorneqalerneq

Nuffasernermi siggukkut aseruuttoortoqarsimammat Ilitersuut atuaruk meeqqallu nuffasernermi siggummigut aseruuttoorneqarpat sulisut tamatuminnga ilisimatikkit. Nappaat tappiorannartunik virus-inik patsiseqartoq ameri tinupasuaqqanik ataatsimoortunik pullaqisunik ersiuteqarpoq. Inuit amerlanersaat meeraanermi tunillatsittarput amerlangitsulli nappaammut ersiuteqartarlutik.

Tunillatsinneq

Pullaqinerit seerinerisa tunillannartua pingaartumik assaat aqqutigalugit siaruaattarpoq. Napparsimassutiginaq virus-imik timiminniittullit qisiannit nappaat tuniluukkajunnerusarpoq. Tunillaasinnaaffik: Pullaqisoqalerneraniit taakku panernissaasa tungaanut

Pitsaaliuineq

Eqqiluisaarneq assaallu asattarnerat tuniluunnermik annikillisisinnaavoq, amerlanerilli peqqissunit tunillatsittarnerat pissutigalugu paaqqinnittarfimmi avataaniluunniit pitsaaliuineqavissinnaanngilaq.

Nappaammut ersiutit

Tunillatsinnermiit napparsimalernissap tungaanut sivilissusaa: Ullut 2-12. Amerlanertigut pullaqinerit kingusinnerusukkut takkuffissaata nalaagut ammip aappillerneragut, kakikkaalunneragut unguillerneragullu nappaat aallartittarpoq. Ullut marlussuit qaangiunnerini pullaqinerit 1-2 mm-isut atsigisut ataatsimoortut qarnup eqqaaniikkajunnerusumi takkuttarput. Pullaqinerit erniinnaq qaartarput amerlerninnguuttarlutik ammasut sapaatillu akunnerata ataatsip qaangiunnerani panertarlutik. Nappaatip takkuteqqaarnera inuummarluutaasinnaavoq, qinersit suannarlugit ilaatigullu kissarneqaataasinnaalluni. Taamatuttaq qarnup ameraasaa nappaammit eqqugaasinnaavoq. Kingorna taama eqqugaaneq annikitsumik amerluutaagajunnerusarpoq. Allamik nappaateqarnermut atatillugu kingullermik amerlerfiup nalaagut takkuteqqikkajuttarpoq ilaasalu seqinnisaarnermut immamilu nalunnguarnermut atatillugu nappaat nangiteqqissinnaasarpaat.

Nakorsartinneq

Virus-inut toqoraatinik nakorsaateqarnikkut ajorunnaarasuartinneqarsinnaavoq. Pullaqinerit takkuppata tarnummik zink-imik akulimmik panertinneqarsinnaapput.

Kingunerluutaasinnaasut

Meeqqap nuffasernermini siggummigut aseruuttoorneqalernerani ilaannikkut bakterissanik mingutsinneqarsinnaasarpaq taamaasillunilu amerluutinngortarluni tuniluuttoq.

Meeqquerivimmukaqqinnissaq

Meeraq nuffasernermini bakterissanik aseruuttoorfiunngitsumik siggummigut amerlersoq paaqqinnittarfimmukarsinnaavoq atuariartorsinnaalluniluunniit.